

漢魏博士題名考

漢魏博士
題名考

海甯王氏校印

漢魏博士題名考卷上

王忠愍公
遺書內編

海甯 王 國維

兩漢博士

一易博士

田王孫

漢書儒林傳丁寬授同郡碭田王孫王孫授施讎孟喜梁邱賀讎爲童子從田王孫受易後讎徙長陵田王孫爲博士復從卒業

案王孫師丁寬景帝時人弟子施讎孟喜梁邱賀皆宣帝時人則王孫爲博士當在武帝之世蓋建元中置五經博士始爲易博士者卽王孫也儒林傳贊言自武帝立五經博士初書惟有歐陽禮后易楊春秋公羊然傳言楊何元光中徵爲大中大夫不云拜博士蓋易楊乃易田之誤易家先師田何楊何田王孫或同姓或同名故往往相亂史記儒林傳云要言易者本於楊何漢書則作要言易者本

之田何此云易楊亦當爲易田之譌田王孫與楊何同爲田何再傳弟子然楊出王同田出丁寬又楊何之傳爲司馬談京房梁邱賀王孫之傳爲施讎孟喜梁邱賀然各自名家不得混而爲一也

甲易施氏博士

施讎

漢書儒林傳施讎字長卿沛人也沛與碭相近讎爲童子從田王孫受易後讎徙長陵田王孫爲博士復從卒業與孟喜梁邱賀並爲門人謙讓常稱學廢不肯教授及梁邱賀爲少府事多乃遣子臨分將門人張禹等從讎問讎自匿不肯見賀固請不得已乃授臨等於是賀薦讎束髮事師數十年賀不能及詔拜讎爲博士甘露中與五經諸儒雜論同異於石渠閣

漢書藝文志易章句施氏二篇

案漢書百官公卿表宣帝神爵三年光祿大夫梁邱賀爲少府讎爲博士在賀爲少府之後施氏博士之立亦在此

時矣

張禹

漢書本傳張禹字子文河內軹人也壯至長安學從沛郡施
讎受易琅邪王陽膠東庸生問論語既明習有徒衆舉爲郡
文學甘露中諸儒薦禹有詔太子太傅蕭望之問禹對易及
論語大義望之善焉奏禹經學明習有師法可試事奏寢罷
歸故官久之試爲博士中略河平四年代王商爲丞相封安昌
侯

漢書藝文志論語魯安昌侯說二十一篇孝經安昌侯說一
篇

彭宣

漢書本傳宣字子佩淮陽陽夏人也治易事張禹舉爲博士

中略

元壽元年遷御史大夫轉爲大司空封長平侯

乙易孟氏博士

白光

翟牧

漢書儒林傳孟喜授同郡

東海

白光少子沛翟牧子兄皆爲博

士

朱雲

漢書本傳雲字游魯人也徙平陵年四十從博士白子友受易又事前將軍蕭望之受論語皆傳其業中略元帝時少府五鹿充宗貴幸爲梁邱易自宣帝時善梁邱氏說元帝好之欲考其異同令充宗與諸易家論充宗乘貴口辨諸儒莫能與抗皆稱疾不敢會有薦雲者召入攝齋升堂抗首而請音動左右既論難連拄五鹿君故諸儒爲之語曰五鹿嶽嶽朱雲折其角由是爲博士遷杜陵令

案博士白子友齊氏召南謂卽儒林傳之白光少子考朱雲旣折五鹿充宗又廷辱張禹充宗傳梁邱易禹傳施氏易如齊氏說則雲事白光爲孟喜弟子充宗與禹雖皆以姦佞爲雲所嫉亦當以與雲同經異師臭味不同其說殆是也白子友爲博士殆與蕭望之爲前將軍同時或稍在其前而望之爲前將軍在宣帝黃龍元年則子友爲博士

亦在宣帝時蓋孟氏初置博士卽以子友爲之也

嚴望

嚴元

漢書朱雲傳雲教授擇諸生然後爲弟子九江嚴望及望兄子元字仲能傳雲學皆爲博士望至泰山太守

注丹

後漢書儒林傳注丹字子玉南陽育陽人也世傳孟氏易王莽時常避世教授專志不仕建武初爲博士稍遷十一年爲大鴻臚作易通論世號注君通

丙易梁邱氏博士

士孫張

漢書儒林傳梁邱賀傳子臨臨代

劉奉世曰代當爲授

五鹿充宗君孟充宗

授平陵士孫張仲方張爲博士至揚州牧光祿大夫給事中家世傳業

梁恭

范升

後漢書范升傳升字辨卿代郡人習梁邱易建武二年拜議郎遷博士上疏讓曰臣與博士梁恭山陽太守呂羌俱修梁邱易二臣年並耆艾經學深明而臣不以時退與恭並立深知羌學又不能達願推博士以避恭羌帝不許

張興

後漢書儒林傳興字君上潁川鄢陵人習梁邱易建武中舉孝廉卽謝病去稍遷博士永平初遷侍中祭酒十年拜太子少傅

丁易京氏博士

殷嘉

姚平

乘弘

漢書儒林傳京房授東海殷嘉河東姚平河南乘弘皆爲郎博士

漢書藝文志易京氏段嘉十二篇蘇氏曰東海人爲博士

案殷嘉段嘉傳志不同自係一人傳言嘉平弘三人皆爲

郎博士不知三人皆由郎爲博士與抑或爲郎或爲博士與未能詳也京房傳言上令房上弟子曉知考工課吏事者欲試用之房上中郎任良姚平欲以爲刺史是姚平曾爲郎之證又易京氏立博士在元帝世未幾而廢疑京氏之立在房用事之時其廢卽在房獲罪之後其間不過數年未必有三人爲博士然儒林傳語未分析無由質言之矣

二書博士

張生

史記儒林傳伏生教濟南張生及歐陽生張生爲博士

鼂錯

漢書本傳錯潁川人也以文學事太常掌故孝文時天下亡治尙書者獨聞齊有伏生故秦博士治尙書年九十餘老不可徵乃詔太常使人受之太常遣錯受尙書伏生所還因上書稱說詔以爲太子舍人門大夫遷博士

中略

景帝卽位遷御史大夫

衛宏詔定古文官書序

漢書儒林傳注引

伏生老不能正言言不可曉也

使其女傳言教錯齊人語多與潁川異錯所不知者凡十二

三略以其意屬讀而已

漢書藝文志法家鼂錯三十一篇

孔延年

孔安國

史記孔子世家子襄生忠忠生武武生延年及安國安國爲

今皇帝博士至臨淮太守蚤卒

史記儒林傳申公弟子爲博士十餘人孔安國至臨淮太守

漢書孔光傳忠生武及安國武生延年

宋祁曰浙本監本云襄生忠武及安國忠武生延年

安國延

年皆以治尙書爲武帝博士

案史記不言延年爲博士漢書孔光傳始言之蓋據孔氏

譜牒也史記儒林傳言申公弟子爲博士者十餘人孔安

國至臨淮太守是安國本治魯詩亦兼治尙書者太史公

所謂伏生得二十九篇卽以教於齊魯之間學者由是頗

能言尙書諸山東大師無不涉尙書以教者故周霸以申

公弟子頗能言尙書安國亦以申公弟子爲尙書博士也
兒寬傳寬受業歐陽生復詣博士受業受業孔安國復以
授歐陽生子是安國爲尙書博士之證又安國之學再傳
而復爲歐陽此又其傳今文尙書之證也其所得古文尙
書自傳於家非博士職所當授也

甲書歐陽氏博士

歐陽高

漢書儒林傳兒寬授歐陽生子世相世傳至曾孫高子陽爲
博士

經典釋文敘錄歐陽氏世傳業至曾孫高作尙書章句爲歐
陽氏學

漢書藝文志尙書歐陽經三十二卷歐陽章句三十一卷歐
陽說義一篇

案說文解字內部离下引歐陽喬說离猛獸也段氏玉裁
注云西都賦挖熊螭李注引歐陽尙書說螭猛獸也漢書
儒林傳歐陽生事伏生世世相傳至歐陽高子陽許云歐

陽喬者蓋卽高古喬高通用此乃歐陽高作歐陽章句之一證

歐陽地餘

漢書儒林傳歐陽高孫地餘長賓以太子中庶子授太子後爲博士論石渠元帝卽位地餘侍中貴幸至少府

林尊

漢書儒林傳林尊字長賓濟南人也事歐陽高爲博士論石渠後至少府太子太傅

平當

漢書本傳當字子思祖父自下邑徙平陵以明經爲博士

中略

至丞相

漢書儒林傳林尊授平陵平當

殷崇

漢書儒林傳林尊授陳翁生翁生授琅邪殷崇崇爲博士

朱普

漢書儒林傳平當事九江朱普公文普爲博士

歐陽歙

後漢書儒林傳歙字王思樂安千乘人也自歐陽生傳伏生尚書至歙八世皆爲博士王莽時爲長社宰世祖時爲大司徒

案傳紀歙爲博士於爲長社宰之前是尙在西漢之世班史不記蓋偶失之至云歐陽生至歙八世爲博士則夸大之辭不足信也

牟長

後漢書儒林傳長字君高樂安臨濟人也少習歐陽尚書不仕王莽世祖建武二年拜博士稍遷河內太守免著尚書章句皆本之歐陽氏俗號爲牟氏章句復徵爲中散大夫後漢書張奐傳奐師太尉朱寵學歐陽尚書初牟氏章句浮辭繁多有四十五萬言奐減爲九萬言

桓榮

後漢書本傳榮字春卿沛郡龍亢人也少學長安習歐陽尚書事博士九江朱普建武時會歐陽博士缺因拜榮爲博士

官至太常

後漢書桓郁傳初榮受朱普學章句四十萬言浮辭繁長多過其實及榮入授顯宗減爲二十三萬言郁復刪省定成十二萬言由是有桓君大小太常章句

楊倫

後漢書楊震傳元初四年震遷太常先是博士選舉多不以實震薦舉明經名士陳留楊倫等顯傳儒業諸儒稱之後漢書儒林傳楊倫字仲理陳留東昏人少爲諸生師事司徒丁鴻習古文尙書特徵博士官至常山王傅

案古文尙書當作歐陽尙書丁鴻傳鴻年十三從桓榮受歐陽尙書又儒林傳陳弇字叔明受歐陽尙書於司徒丁鴻則倫師事丁鴻當受歐陽尙書非古文尙書矣

乙尙書大夏侯氏博士

夏侯勝

漢書本傳勝字長公東平人少孤好學從夏侯始昌受尙書及洪範五行傳說災異後事蒯卿又從歐陽氏問爲學精熟

所問非一師也善說禮服徵爲博士光祿大夫中略後遷太子太傅漢書藝文志尙書大夏侯章句二十九卷大夏侯解故二十九篇論語魯夏侯說二十一篇

孔霸

漢書孔光傳孔霸亦治尙書事太傅夏侯勝昭帝末年爲博士宣帝時爲大中大夫以選授皇太子經遷詹事高密相元帝卽位徵以師賜爵關內侯食邑八百戶號褒成君漢書儒林傳周堪與孔霸共事大夏侯勝霸爲博士

牟卿

漢書儒林傳周堪授牟卿卿爲博士

許商

漢書儒林傳周堪授長安許商長伯商善爲算著五行論歷四至九卿

漢書溝洫志成帝初丞相御史白博士許商治尙書善爲算度功用遣行視河

漢書藝文志六藝尙書類許商五行傳記一篇又數術歷譜

類許商算術二十六卷

孔光

漢書本傳光字子夏成帝初卽位舉爲博士

漢書儒林傳孔霸傳子光亦事牟卿至丞相

吳章

炅欽

漢書儒林傳許商門人沛唐林子高爲德行平陵吳章偉君

爲言語重泉王吉少音爲政事齊炅欽幼卿爲文學欽章皆

爲博士

漢書云敞傳敞師事同縣吳章章治尙書經爲博士

漢書師丹傳給事中博士申咸炅欽上書言丹經行無比

丙尙書小夏侯氏博士

夏侯建

漢書夏侯勝傳勝從父子建字長卿自師事勝及歐陽高左右采獲又從五經諸儒問與尙書相出入者牽引以次章句具文飾說勝非之曰建所謂章句小儒破碎大道建亦非勝

爲學粗略難以應敵建卒自顯門名經爲議郎博士至太子少傅

漢書藝文志尙書小夏侯章句二十九卷小夏侯解故二十九篇

張山拊

漢書儒林傳張山拊字長賓平陵人也事小夏侯建爲博士論石渠至少府

鄭寬中

漢書儒林傳張山拊授同縣鄭寬中少君寬中有雋材以博士授太子成帝卽位賜爵關內侯食邑八百戶遷光祿大夫領尙書事

馮賓

漢書儒林傳張山拊授信都秦恭延君恭授魯馮賓賓爲博士

郭憲

後漢書方術傳憲字子橫汝南宋人少師事東海王仲子光